

Nakon pregovora između pregovaračkih timova Vlade Unsko-sanskog kantona i Samostalnog sindikata osnovnog obrazovanja Federacije Bosne i Hercegovine – Kantonalni odbor Unsko-sanskog kantona, održanim dana 18.02.2016. godine,

1. Vlada Unsko-sanskog kantona, s jedne strane (prva strana u Sporazumu, u daljem tekstu: Vlada kantona), u svojstvu predstavnika poslodavca i
2. Samostalni sindikat osnovnog obrazovanja Federacije Bosne i Hercegovine – Kantonalni odbor Unsko-sanskog kantona, s druge strane (druga strana u Sporazumu), zaključili su:

## S P O R A Z U M

### I

U cilju postizanja međusobnog dogovora strana u ovom Sporazumu, ispunjavanja postavljenih legitimnih ciljeva i zahtjeva Samostalnog sindikata osnovnog obrazovanja Federacije Bosne i Hercegovine – Kantonalni odbor Unsko-sanskog kantona i prekida aktivnosti oko generalnog štrajka najavljenog Odlukom broj: 01-HZ-20/16 od 30.01.2016. godine, strane potpisnice ovog Sporazuma saglasne su:

1. da se izvrši isplata naknada za ishranu u toku rada (topli obrok) za mjesec novembar i decembar 2015. godine odmah po potpisivanju ovog Sporazuma
2. da se naknada za prevoz na posao i sa posla za period januar-april 2015. godine isplati do kraja marta 2016. godine
3. da osnovica za obračun plaće za period januar –mart 2016. godine ostaje na istom nivou kao u 2015. godini
4. da naknada za ishranu u toku rada (topli obrok) za period januar –mart 2016. godine iznosi 8,00 KM
5. da se plata za mjesec januar 2016. godine isplati u mjesecu martu (u ustaljenim terminima), naknada za ishranu u toku rada (topli obrok) za mjesec januar 2016. godine isplati do kraja marta i da se isplata nastavi tako što će isplata plaće biti praćena isplatom toplog obroka za taj mjesec
6. da se naknada za regres za 2015. godinu isplati do 31.07.2016. godine
7. da se naknada za prevoz na posao i sa posla za period maj-august 2015. godine isplati do 31.07.2016. godine
8. da se u narednim razgovorima definira dinamika isplate naknada za teške bolesti i invalidnosti, naknada za slučaj smrti i otpremnine za odlazak u penziju za period 01.07.-31.12.2015. godine.

### II

Vlada Kantona i Samostalni sindikat osnovnog obrazovanja Federacije Bosne i Hercegovine – Kantonalni odbor Unsko-sanskog kantona se obavezuju da će intenzivno nastaviti razgovore, s tim da se razgovori po pitanju izmjena i dopuna Kolektivnog ugovora za djelatnost osnovnog obrazovanja **započnu u roku 10 dana od dana potpisivanja ovog Sporazuma.**

### III

Danom potpisivanja ovog Sporazuma, Samostalni sindikat osnovnog obrazovanja Federacije Bosne i Hercegovine – Kantonalni odbor Unsko-sanskog kantona se obavezuje da Odluku o organizovanju i održavanju Generalnog štrajka radnika u ustanovama osnovnog obrazovanja i odgoja, broj: 01-HZ-20/16 od 30.01.2016. godine stavi van snage.

### IV

Vlada Unsko-sanskog kantona se obavezuje da će o svim eventualnim izmjenama finansijske i druge prirode iz ovog Sporazuma, odmah obavijestiti Samostalni sindikat osnovnog obrazovanja Federacije Bosne i Hercegovine – Kantonalni odbor Unsko-sanskog kantona, s ciljem pronalaska novog rješenja.

### V

Ovaj Sporazum sačinjen je u tri (3) istovjetna primjerka od kojih svaka strana zadržava po jedan primjerak i stupa na snagu danom potpisivanja od strane ovlaštenih strana u Sporazumu, a objavit će se u „Službenom glasniku Unsko-sanskog kantona“.

VLADA UNSKO-SANSKOG KANTONA  
PREMIJER KANTONA

\_\_\_\_\_  
mr.sci. Izudin Saračević

Broj: \_\_\_\_\_/2016

Bihać, \_\_\_\_\_/2016

SAMOSTALNI SINDIKAT OSNOVNOG OBRAZOVANJA F BiH  
– KANTONALNI ODBOR UNSKO-SANSKOG KANTONA  
PREDSJEDNICA KO SSOIO

\_\_\_\_\_  
Zehra Hadžić

Broj: \_\_\_\_\_/2016

Bihać, \_\_\_\_\_/201